

Tá cur síos sa bhileog seo ar na príomhcheisteanna pleanála le linn obair a dhéanamh thart faoi theach – fairsingtú, mionobreacha, srl.

Mar theoirí phraiticiúil amháin a cuireadh an bhileog seo ar fáil. Níl léirmhíniú anseo ar dhíl na pleanála. Is féidir leat breis eolais a fháil on údaras áitiúil pleanála.

1. *Cathain is gá dom cead pleanála a bheith agam?*

Go ginearálta, is gá duit cead pleanála a bheith agat chun forbairt ar bith a dhéanamh ar thailte nó ar shealúchas nach mbíonn dioluine ag gabháil go sainiúil leo ón riachtanas seo. Clúdaíonn an téarma “forbairt” cur i gcrích oibreacha ar bith ar thalamh nó ar fhoirgintí (thógáil, treascairt, athru) agus athru ábhartha (i. tabhachtach) ar úsáid talún nó foirgintí.

2. *Cad is forbairt dhiolmhaithe ann?*

Cliallaíonn forbairt dhiolmhaithe forbairt nach mbíonn cead pleanála ag teastáil ina leith. Leagtar amach aicmí forbartha dhiolmhaithe sa dlí pleanála.

Tá cur síos sa bhileog seo ar dhiolúintí teaghlachais a bhaineann le habhar. Is gnách go mbíonn teorainneacha áirithe ag gabháil lena leithéid, maidir le hairde nó le méid, mar shampla. I gcás go sáraitear na teorainneacha sin, imíonn na dhiolmhaithe as feidhm. Is é cuspóir dioluine ná gan srianta a chur ar mhionforbairtí, fairsingithe beaga le tithe, mar shampla.

3. *An féidir le hathrú ar úsáid talún a bheith ina fhorbairt dhiolmhaithe?*

Is féidir. Nuair nach athru “ábhartha” a bhíonn i gceist, ní bhíonn gá le cead pleanála. (Féach C3 PL.7.)

4. *Cad is “athru ábhartha úsáide” ann?*

Rud é sin a bhíonn ag brath ar thoscaí gach cáis. Go ginearálta, bíonn gá le cead pleanála, maidir le hathrú suntasach ar bith le tionchar ar na comharsana nó ar phobal na háite. Is féidir leis an údarás pleanála comhairle a sholáthar, maidir leis an saghas athraithe ar úsáid a mbíonn gá le cead pleanála ina leith.

Féach Ceist 19 thíos, áit a bhfuil sonraí chun ceist a shocrú an forbairt “ábhartha” atá i gceist, i gcomhthéacs na pleanála, nó nach ea.

5. *An féidir liom fortheach a thógáil?*

Ní bhíonn gá le cead pleanála chun fairsingtú beag tís a thógáil, seomraí gloine san áireamh, más é cúl an tí a

bhíonn i gceist, agus má shásaíonn sé na coinníollach seo a leanas:

- muna gcuireann sé níos mó ná 40 méadar cearnach le hurlár bunaidh an tí. Tá sé tabhachtach a mheabhú, i gcás gur cuireadh fairsingtú le teach cheana féin, nach féidir leis an bhfairsingtú atá a bheartú agat anois agus achar urláir fairsingithe ar bith a cuireadh leis roimhe seo, cinn a bhfuair tú cead pleanála ina leith san áireamh, dul thar 40 méadar cearnach san iomlán;

- maidir le tithe i léibheann nó tithe leathscóite, is gá nach ngabhfaidh an t-achar urláir i bhfairsingtú ar bith os cionn talún thar 12 méadar cearnach, fairsingtú ar bith a cuireadh leis an teach cheana féin san áireamh;

- is gá go mbeidh 2 méadar ar a laghad idir fairsingtú os cionn talúagus teora ar bith;

- ní féidir le fairsingtú ar bith a bheith níos airde ná an teach féin;

- ní féidir le fairsingtú ar bith gearradh siar ar achar oscailte spáis phríobháidigh a bhíonn in áirithe go heisiatach do lucht áitrithe an tí go dtí níos lú ná 25 méadar cearnach.

Tá rialacháin eile ann, maidir leis an airde a cheadaítear i bhfairsingtú mar sin, mar atá:

- i gcás nach mbíonn cúl beannach leis an teach, ní féidir leis an bhfairsingtú da bheith níos airde ná falla cúl an tí;

- i gcás go mbíonn cúl beannach leis an teach mar atá, ní féidir le fallaí an fhairsingithe (seachas beann ar bith atá a cur leis mar chuid den fhairsingtú) a bheith níos airde ná fallaí taoibhe an tí;

- i gcás go mbíonn dion réileán ar an bhfairsingtú, ní féidir leis an gcuid is airde den dion a bheith níos airde ná scéimheal ná uchtbharr an tí. I gcás ar bith, ní féidir le cuid ar bith den dion úr a bheith níos airde ná an teach atá ann;

- is éard is beann ann, cuid uachtarach falla (i gcruth triantáin, de ghnáth) idir dhá chuid dion crochta tí.

Tá rialacháin eile ann, maidir leis an achar sli is gá idir fuinneoga i bhfairsingtú, leis an teorainn den sealúchas

taobh leis ar a aghaidh amach, agus leis an úsáid is féidir a bhaint as dion an fhairsingithe, mar atá:

- ní féidir le fuinneog ar bith a bhíonn beartaithe ar leibhéal na talún mar chuid den fhairsingtú a bheith níos lú ná méadar on teorainn ar a haghaidh amach;

- ní féidir le fuinneog ar bith a bhíonn beartaithe ar leibhéal na talún a bheith níos lú ná 11 méadar on teorainn ar a haghaidh amach

- ní féidir leas a bhaint as an dion a ghabhann le fairsingtú den chineál sin mar bhalcóin na mar gharraí din.

6. *An féidir liom mo gharáiste a chur in oiriúint d'úsáid teaghlaigh?*

Faoi réir ag an teorainn 40 méadar cearnach agus na coinníollacha eile faoi cheist 5 thuas, is gnách go mbíonn athru úsáide garaíste, stórais, scáthláin, srl., go dtí cuid den teach (mar shampla, mar sheomra cónaithe nó codlata) ina fhorbairt dhiolmhaithe.

Nóta: I gcás go mbíonn tú in amhras faoi cheann ar bith de na coinníollacha thuas, maidir le fairsingtú ar bith atá beartaithe agat, ba cheart duit dul i dteagmháil leis an údarás pleanála agatsa.

7. *An féidir liom garaíste a thógáil?*

Is féidir leat garaíste, carrphort, teach gloine, scáthlán, cró do pheataí teaghlaigh ná leithéid eile a thógáil, muna síneann amach níos faide chun tosaigh ná line fhoirgníochta an tí, agus muna dtéann níos airde ná 4 méadar (i gcás gur dion leacan nó slinne atá air) nó 3 méadar (i gcás gur dion de shaghas ar bith eile). Is i an teora ar limistéar urláir i bhforbairt dhiolmhaithe ná 25 méadar cearnach. Ní ceadmhach conai sa struchtúr, ná é a úsáid do chúrsaí tráchtála, ná fós chun muca, eanlaithe clois, colúir, capaillíní na capaill a choinneáil. Ní féidir le fairsingtú ar bith gearradh siar ar achar oscailte spáis phríobháidigh a bhíonn in áirithe go heisiatach do lucht áitrithe an tí le taobh nó ar chúl an tí go dtí níos lú ná 25 méadar cearnach.

8. *An féidir liom póirse a thógáil chun tosaigh?*

Is féidir. Níl gá le cead pleanála chun póirse a thógáil chun tosaigh chomh fada agus nach mbíonn sé níos fairsinge ná 2 méadar cearnach agus chomh fada is a bhíonn 2 méadar cearnach ar a laghad idir é agus bóthar nó casán poiblí. I gcás gur dion beannach leacan nó slinne a bhíonn air, ní féidir a bheith níos mó ná 4 méadar airde ann, nó 3

méadar i gcás gur dion de shaghas ar bith eile. Is póirse tosaigh taobh istigh de ná teorainneacha sin amháin is ceadmhach a thógáil chun tosaigh, thar line éadain an tí mar fhorbairt dhiolmhaithe

9. *An féidir liom fallaí, claocha agus geataí a thógáil?*

Is féidir fallaí faoi cháipín bríci nó cloch, nó déanta as bloc le bailchríoch ornáideach, a thógáil os comhair do thí, ráillí agus fála adhmaid, ach iad a bheith faoi bhun 1.2 méadar in airde, nó 2 méadar óna taobh nó óna chúl. Más de bhloic loma nó de choíncreít gan treisú a bhíonn falla déanta, ní mór plástar nó rindréalí eile a chur leis. Is féidir geataí agus bealaí isteach a thógáil nó a athru, chomh fada is nach dtéann thar 2 méadar airde. Beidh gá agat le cead pleanála i gcás go dteastaíonn uait bealach nua isteach ó bhóthar poiblí a dhéanamh, nó bealach níos leithne.

10. *An féidir liom símné agus teach coirí a thógáil?*

Is forbairt dhiolmhaithe teach coirí nó símné do chóras teasa lárnáigh nó umar ola (suas le toilleadh 3,500 liotar).

11. *An féidir liom cosáin, locháin agus pábháil a dhéanamh?*

Is forbairtí dhiolmhaithe spásanna páirceála carranna, dromchlaithe crua, cosáin i ngarraí, locháin agus pábháil, chomh fada agus nach mbíonn siad méadar níos airde ná méadar níos ísle ná leibhéal reatha na talún. Ní chuirtear teora eile lena leithéid taobh thiar den teach, ach ní forbairt dhiolmhaithe spás páirceála ar aghaidh nó le taobh an tí a théann thar achar 2 charr.

12. *An féidir liom aeróg teilifíse a chrochadh?*

Is forbairt dhiolmhaithe aeróg raidió nó teilifíse, chomh fada is nach mbíonn sí níos mó ná 6 méadar níos airde ná dion an tí. Is forbairt dhiolmhaithe ar chúl nó le taobh an tí amháin cuas satailíte munar leithne é ná 1 méadar trasna, agus é crochta níos ísle ná barr an din. Ní féidir ach cuas amháin a chrochadh ar theach. Tá cead pleanála riachtanach do chuas ar eadan tosaigh tí.

13. *An féidir liom athru inmheánach, deisliú seachtrach agus cothabháil a dhéanamh?*

Is féidir leat athru inmheánach ar bith is mian leat a dhéanamh, chomh fada agus nach n-athraíonn tú úsáid teaghlachais an tí. Ní bhíonn gá le cead pleanála i gcomhair oibreacha seachtracha deisithe, cothabhála ná feabhsaithe, mar shampla, peinteáil nó plástráil, chomh fada agus nach gcuireann siad athru ábhartha ar chuma sheachtrach an tí, a cur as a riocht, i gcomparaid leis na tithe ina ghaobhar. Is féidir go mbeidh ceadú de dhíth ort chun athruithe áirithe lasmuigh a dhéanamh, chun nasc nua a chur le séarach,

mar shampla.

Ní bhaineann an dioluine seo le struchtúir chosanta, ná le tithe a roinnt in arásáin nó in arásáin do sheanáir teaghlaigh. Is gá cead pleanála a fháil i gcomhair oibreacha mar sin.

14. *An féidir liom seanfhoirgneamh a threascairt?*

Is féidir leat seanfhoirgneamh a scríos gan cead pleanála a fháil roimh ré, muna:

- teach ináitrithe;
- struchtúr cosanta nó struchtúr a mholtar a chosaint;
- foirgneamh i leibhéal nó ceann nasctha le foirgneamh i selbh duine eile.

Ní chiallaíonn sé sin, áfach, go bhfaighidh tú cead dá réir sin chun teach eile a thógáil ina ionad.

Is teach ináitrithe teach:

- atá in úsáid mar ionad cónaithe;

- nach bhfuil in úsáid i láthair na huairé, ach nach bhfuil tréigthe agus a bhí mar ionad cónaithe an uair dheireanach ar úsáideadh é;

nó

- a chuirtear ar fáil mar ionad cónaithe ach nár cónaidh ann;

- foirgneamh eile arb é an leas is déanaí a ceadaíodh do ná mar ionad cónaithe, fiú amháin más úsáid neamhúdaraithe a baineadh as ina dhiaidh sin.

15. *An féidir liom carabháin agus báid a stóráil?*

Is féidir carabháin amháin, “campervan” amháin nó báid amháin a stóráil i do ghairdín le suas le 9 mí sa bhliain, chomh fada is nach gconaitear ann agus nach n-úsáidtear do chúrsaí gnó é.

16. *An féidir liom fógraí a chur in airde?*

Ní gá duit cead a bheith agat chun fógraí teaghlaigh suas le 0.3 méadar cearnach a chur in airde, ainm nó uimhir do thí nó “Fainic an Madra”, mar shampla. I gcás go mbíonn do theach á dhíol agat, nó é a lígean amach ar cíos, is ceadmhach fógra suas le 0.6 méadar cearnach a chur in airde, ach ní ceadmhach a fháint in airde níos sia ná 7 lá i ndiaidh duit an teach a dhíol nó a lígean amach ar cíos.

17. *An bhfuil teorainneacha le forbairt dhiolmhaithe?*

Cailleann forbairt ar bith nach mbíonn gá le cead pleanála ina leith a stádas diolmhaithe:

- má sháraíonn sí coinníoll ar bith de chead pleanála;
- má chuireann sí an tsábháilteacht phoiblí i mbaol trí chontúirt trachta a chruthú nó má chuireann isteach ar amharc úsáideoirí boithre;
- má shíneann sí chun tosaigh ar an líne thógála (ach amháin i gcás poirse bhig);
- má chuimsíonn sí bealach nua nó bealach níos leithne isteach ó bhothar poiblí;
- má chuireann sí isteach ar fhoirgneamh, ar ghné, ar shuíomh, ar chuma de dhreach tíre, ar amharc ar tháitneamhacht luachmhar nó inspéise é, srl. (scrúdúlaigh do phlean forbartha áitiúil);
- má chuireann sí bac ar cheart sli poiblí;
- muna mbaineann sí go huile is go hiomlán le húisid an ti do chúrsaí teaghlaigh;
- má chuimsíonn sí forbairt ar limistéar speisialta taitneamhachta;
- má chuimsíonn sí forbairt ar struchtúr cosanta;
- má chuimsíonn sí oibreacha ar bith nó athruithe ar bith ar struchtúr neamhcheadaithe, nó a bhfuil úsáid neamhcheadaithe á baint as. (Ciallaíonn "neamhcheadaithe" gan chead pleanála ná stádas mar thorbaire dhiolmhaithe).

18. An mbaíneann na diolúintí le hárásáin?

Ní bhaíneann na diolúintí a luaitear faoi 5, 7, 8, 10, 11, 12 agus 15 thuas le hárásáin, ná le spásanna pairceála carranna nach mbíonn ar chúl an tí.

19. Cén áit is féidir líom eolas breise a fháil faoi dhiolúintí?

Tá liosta iomlán de na forbairtí diolmhaithe leagtha amach sna hAchtanna Pleanála agus sna Rialacháin a ghabhann leo (féach na sonraí ag deireadh na bileoige seo). Is féidir leis an údarás pleanála a insint duit an gceapann siad an bhfuil gá le cead pleanála, nó nach bhfuil. I gcás nach n-aontaíonn tú leis an údarás pleanála faoi chead pleanála a bheith riachtanach, is féidir leat rialú foirmeálta a fháil ach an

cinneadh a tharchur go dtí An Bord Pleanála, agus an táille oiriúnach a íoc. Tá a thuilleadh eolais ar fáil díreach ón mBord, ag 64 Sráid Mhaolbhríde, Baile Átha Cliath 1; guthán (01) 858 8100.

20. Cad a tharlaionn má sháraítear teorainneacha na ndiolúintí?

Is gá glacadh leis na teorainneacha agus tá sé de chumhacht ag údarás pleanála stad a chur le forbairt a théann tharstu. Má dhéantar earráid trí bhotún, ba chóir cead a lorg ar an údarás pleanála an obair atá déanta a choimeáil. Is gnách go dtugtar "cead coinneála" ar an gcead sin. Ní gá, afach, go dtabharfar an cead seo duit. Cosnaíonn tálle do chead coinneála 3 oiread na tálle chaighdeánach, agus is féidir go mbeidh ort obair atá déanta a bhaint anuas, a athru nó a chur i gceart, rud is féidir a bheith costasach. Is féidir go leanfaidh finealacha troma nó príosúnacht. Is féidir, leis, go dtiocfaidh sé dian ort sealúchas a dhíol muna mbíonn sé ag teacht le riachtanais phleanála. Má bhíonn sealúchas a cheannach agat, deimhnigh go bhfuil an foirgneamh féin nó athruithe ar bith a cuireadh i bhfeidhm air géillúil do riachtanais phleanála, nó is féidir go ndéanfar caingean dlí infeidhmíthe a chur ortsa, mar an úinéir nua.

21. Ar cheart dom dul i gcomhairle leis an údarás pleanála sula gcuirfidh mé forbairt dhiolmhaithe i gcrích?

Má tá amhras ar bith ort, nó ceist ar bith agat i dtaobh cursaí pleanála, is féidir leat dul i dteagmháil leis an údarás pleanála.

Féach leat, leis, Ceist 23, maidir le Rialacháin Fhoirgníochta.

22. Ar cheart dom dul i gcomhairle le dreamanna ar bith eile?

Ba cheart duit dul i dteagmháil le hoifig áitiúil B.S.L. (féach PL 6, Alt 13), má théann na hoibreacha atá beartaithe agat gar do línte aibhléise atá ann cheana, agus má bhíonn ceist faoi airde na línte cumhachta os a gcionn, nó má thabharfaidh an obair thógála duine ar bith in aice leis na línte soláthair aibhléise chun do thí. Tá ceangal ort, le firinne, é sin a dhéanamh i gcás go mbíonn línte ar bith lastuas taobh istigh de 6 méadar ó na hoibreacha foirgníochta.

23. An mbaíneann Rialacháin Fhoirgníochta leis?

Is gá duit an fhorbairt a dhéanamh de réir na rialacháin foirgníochta. Leagtar síos sna rialacháin sin na riachtanais bhunúsacha a bhaíneann le dearadh agus le tógáil, agus

baineann siad le gach foirgneamh nua, le gach fortheach, le gach athrú, agus le hathruithe áirithe ar úsáid foirgní atá ann cheana. Tá sonraí na rialacháin foirgníochta agus eolas faoi na gnásanna a bhaíneann leo le fáil i PL 11 - Treoir do na Rialacháin Fhoirgníochta. Tá a thuilleadh eolais le fáil ón údarás pleanála áitiúil. Is féidir go mbeidh saghasanna eile ceada de dhíth ort, mar shampla, chun ceangal nua a chur le searach. Ina leithéid de chás, ba cheart duit dul i dteagmháil leis an údarás áitiúil.

24. Ar cheart dom mo chomharsana a chur ar an eolas roimh ré?

Níl ceangal dlí ort do chomharsana a chur ar an eolas roimh ré, maidir le forbairt dhiolmhaithe. Is é do leas, mar sin féin, iad a chur ar an eolas, maidir le hoibreacha is mian leat a dhéanamh ar do shealúchas. Is é is dóichí ná go mbeidh an imní chéanna orthu faoi obair a chuirfeadh as dóibh agus a bheadh ort féin i gcás go mbeadh forbairtí á mbeartú acu san. Thiocfadh go bhfeadfa cuid den imní sin a dhíbirt ach do thogra a athru. Fíú amháin i gcás go nglacfa cinneadh gan do thogra a athru, is iondúil gur chun do leasa na comharsana a bheith curtha ar an eolas roimh ré agat, roimh thus a chur le hobair thógála.

Mas gá duitse, nó do chonarthaí a bhaíneann leat, dul isteach ar thailte na gcomharsan, ba chóir duit cead a fháil uaidh/uaithe romh dhul isteach.

Is féidir le hathruithe ar do theach, nó fairsingiú, baint de chosaint do thí in aghaidh na buirgléireachta. Is féidir le Stáisiún áitiúil an Gharda Síochána comhairle chuiditheach a chur ort chun an riosca sin a mhaolú.

Tá an reachtaíocht a rialaíonn an córas pleanála leagtha amach sna hAchtanna um Pleanáil agus Forbairt 2000-2002 agus sna Rialacháin um Pleanáil agus Forbairt 2001-2003. Is féidir iad sin a cheannach ón Oifig Dlíolta Foilseachán Rialtais, Teach Sun Alliance, Sráid Theach Laighean, Baile Átha Cliath 2. Guthán (01) 647 6995/4

Is iad na bileoga atá sa sraith seo ná:

Treoir do Chead Pleanála
Iarratas Pleanála a dhéanamh
Tuairimíocht ar Iarratas Pleanála a chur in iúl
Teach a Thógáil – na Ceisteanna Pleanála
Obair a dhéanamh thart faoin Teach -
na Ceisteanna Pleanála
Talmhaíocht agus Forbairt Feirme -
na Ceisteanna Pleanála
Pleanáil do Lucht Gnó
An Plean Forbartha
Measúnacht ar Thionchar Timpeallachta
Achromarc Pleanála a Dhéanamh
Treoir do na Rialacháin Fhoirgníochta
Treoir don Oidhreacht Ailtireachta

PL 1
PL 2
PL 3
PL 4
PL 5
PL 6
PL 7
PL 8
PL 9
PL 10
PL 11
PL 12

This leaflet is also available in English.



PL 5 - Obair a dhéanamh thart faoin Teach – Na Ceisteanna Pleanála

PL.5
Deireadh Fómhair, 2003.


Arna chloibhualadh ar pháipéar
arna athchursáil as 100% fuíoll
iarthombhailte

